

## ՀԱՄԱԳՈՐԾԱԿՑՈՒԹՅԱՆ ՊԱՅՄԱՆԱԳԻՐ

Ք.Վարդենիս

01.11.2021 թ.

Վարդենիսի բժշկա-հումանիտար քոլեջ՝ ի դեմս տնօրեն Ն. Գասպարյանի մի կողմից և «Մարտունու պետական բժշկական քոլեջ» ՊՈԱԿ, ի դեմս տնօրեն Տարոն Արշակյանի մյուս կողմից /այսուհետ՝ Կողմեր/, հաշվի առնելով ակադեմիական և գիտական ոլորտում համագործակցության հանդեպ փոխադարձ հետաքրքրությունները, ինչպես նաև ցանկանալով պաշտոնապես ճանաչել երկու քոլեջների միջև համագործակցությունը, կազմեցին սույն պայմանագիրը հետևյալի մասին.

### 1. ՊԱՅՄԱՆԱԳՐԻ ԱՌԱՐԿԱՆ

Հիմնվելով կողմերի միջև առկա ուսումնական, մշակութային, գիտական կապերի վրա, կարևորելով կողմերի փոխադարձ հետաքրքրության ոլորտում համագործակցության իրականացումը և փորձի փոխանակումը, ցանկանալով խրախուսել կողմերի միջև գիտելիքների և փորձի փոխանակումը, համոզված լինելով կողմերի զարգացման հարցում փոխադարձ օգնություն ցուցաբերելու համար համագործակցության արդյունավետության մեջ, կողմերը նախատեսում են համագործակցություն՝ կրթական, գիտական, ուսումնամանկավարժական գործունեության ոլորտներում, ծրագրերի համեմատության (benchmarking), համատեղ սեմինարներ, կոնֆերանսների կազմակերպման բնագավառում:

### 2. ՀԱՄԱԳՈՐԾԱԿՑՈՒԹՅԱՆ ԵՎ ՓՈԽԱՆԱԿՈՒԹՅԱՆ Ձևերը

Որպես համագործակցության և փոխանակության ձևեր կողմերն ընդունում են՝

- Կողմերի կողմից տրվող վկայագրերի փոխադարձ ձանաչում.
- գիտական գրականության փոխանակում.
- գիտական հանդիպումների կազմակերպում.
- մասնակցություն պայմանավորվող կողմերի կողմից կազմակերպվող ուսումնադաստիարակչական միջոցառումներին.
- ազգային և միջազգային ծրագրերի և մասնավոր հիմնադրամների կողմից ֆինանսական աջակցություն ստանալու համար համատեղ նախագծերի մշակում.
- արդյունավետ աշխատանքի և համատեղ գործունեության ապահովման նպաստում.
- ըստ հնարավորությունների գիտական, մշակութային, մարզական միջոցառումների կազմակերպում.
- գրադարանների միջև գրականության փոխանակում:

Անհրաժեշտության դեպքերում վերոնշյալ գործողությունների պայմաններն ու ձևերը կսահմանվեն յուրաքանչյուր առանձին դեպքի համար նախատեսված համաձայնագրերով:

### 3. ՊԱՅՄԱՆԱԳՐԻ ԿԱՏԱՐՈՒՄՆ ՈՒ ՄԻՋՈՑՆԵՐԸ

Յուրաքանչյուր կողմ ինքն է կարգավորում վճարման հարցերը: Սույն պայմանագրի կատարման համար միջոցներ կապահովեն քոլեջները (հնարավորությունների սահմաններում), համագործակցության մասնակիցները, ազգային /միջազգային/ ծրագրերն ու մասնավոր հիմնադրամները:

#### 4. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

Կողմերը պարտավորվում են.

- բարեխղճորեն և սահմանված ժամկետներում կատարել ստանձնած պարտականությունները,
- կանոնավոր կերպով տեղեկացնել միմյանց բնագավառի վերաբերյալ օրենսդրական փոփոխությունների մասին:

#### 5. ԿՈՂՄԵՐԻ ՀԱՇՎԱՐԿՆԵՐԸ

Արտագնա միջոցառումների կազմակերպման ժամանակ դասախոսների և ուսանողների ճանապարհածախսը, բժշկական ապահովագրությունը, օրական և այլ ծախսերը կսահմանվեն առանձին երկկողմանի համաձայնագրերով /որոնք կարող են կազմել սույն Պայմանագրի մաս կամ սահմանվել այլ փաստաթղթով /: Յուրաքանչյուր գործողության համար ֆինանսական աջակցությունը կքննարկվի ստորագրողների կողմից և ամփոփագրի տեսքով կհանդիսանա որպես հավելված:

#### 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

Պայմանագրով և առանձին համաձայնագրերով ստանձնած պարտավորությունները չկատարելու կամ ոչ պատշաճ կերպով կատարելու դեպքում Կողմերը կրում են գույքային պատասխանատվություն պայմանագրով և օրենսդրությամբ սահմանված կարգով:

#### 7. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ, ՓՈՓՈԽՈՒԹՅՈՒՆՆԵՐՆ ՈՒ ԴԱԴԱՐԵՑՈՒՄԸ

Սույն Պայմանագիրը կազմված է հայերենով, ուժի մեջ է մտնում կնքելու օրվանից: Սույն համագործակցության պայմանագիրը կնքվում է սկզբնական 5 տարի ժամկետով: Այն կարող է երկարացվել ստորագրողների կողմից, նույն ժամկետով:

Սույն պայմանագիրը կարող է ամբողջությամբ կամ մասնակիորեն լրացվել, փոփոխվել, բացառությամբ՝ պայմանագրի առարկայի, փոխադարձ համաձայնությամբ ստորագրողների Կողմից լրացուցիչ համաձայնագիր կազմելու միջոցով:

Սույն պայմանագիրը կարող է լուծվել Կողմերից յուրաքանչյուրի նախաձեռնությամբ՝ մյուս Կողմին ենթադրվող դադարեցումից ոչ ուշ քան մեկ ամիս առաջ գրավոր ծանուցմամբ՝ չխախտելով արդեն ծրագրավորված ընթացիկ, բայց դեռևս չկատարված գործողությունները:

Փոփոխություններն ու լրացումներն արվում են Կողմերի փոխադարձ գրավոր համաձայնությամբ:

Պայմանագրի փոփոխություններն ու լրացումները կազմվում են լրացուցիչ համաձայնագրերով և դառնում են սույն Պայմանագրի անբաժան մաս: Սույն պայմանագիրը Կողմերից ոչ մեկի համար ֆինանսական պարտավորություններ չի առաջացնում: Սույն Պայմանագրով չնախատեսված դեպքերում Կողմերն առաջնորդվում են Հայաստանի Հանրապետության օրենսդրությամբ:



Սույն պայմանագիրը կնքված է երկու օրինակից, որոնք ունեն հավասար իրավաբանական ուժ: Յուրաքանչյուր կողմին տրվում է Պայմանագրի մեկական օրինակ:

### 8. ԿՈՂՄԵՐԻ ՏՎՅԱԼՆԵՐԸ

«Մարտունու պետական բժշկական քոլեջ»

Վարդենիսի բժշկա-հումանիտար քոլեջ

ՊՈԱԿ

ՀՎՀՀ 08414863

ՀՎՀՀ՝ 08212216

Կենտրոնական գանձապետական

Հայֆիզնես բանկ ՓԲԸ

Հ/Հ 900148000020

Հ/Հ 11500529026300

Ք. Մարտունի Նարեկացի 2/1

Հասցե՝ Գեղարքունիքի մարզ, ք. Վարդենիս,

e-mail [mpbq@mail.ru](mailto:mpbq@mail.ru)

Վ. Համբարձումյան 19

Հեռ. 093419039

e-mail [vardenisi-bhq@rambler.ru](mailto:vardenisi-bhq@rambler.ru)

Հեռ. 098707008

Տնօրեն՝ Տարոն Արշակյան

Տնօրեն՝ Նիկողոս Գասպարյան



ստորագրություն



ստորագրություն